



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Titvlvs XXIV. De Officio Archipresbyteri.

[urn:nbn:de:hbz:466:1-62559](#)

tenso, si ex eo, quod Archidiaconus consue-
tudine diurna iurisdictionem in Monasterio
quædam intra fines Archidiaconatus sita
acquisivisset, inde inferre licet, etiam in hoc
Monasterio, quod eius iurisdictionem for-
te nunquam agnouit, aut admissit, ius ali-
quod competere. Multa hic dicunt Innocen-
tius, & Antonius de Butrio. Breuter respon-
deo: Si Archidiaconus in nouem v. g. Mo-
nasteria Ordinis S. Benedicti intra distri-
ctum suum posita iurisdictionem consue-
tudine diurna comparabit, iuris præsum-
ptionem esse, quod etiam in decimum Mo-

nasterium eiusdem qualitatis, & ister eos-
dem fines iurisdictionem habeat: cum de si-
milibus idem ius céleri debeat, arg. c. cognos-
cimus, 29. q. 2. causa 2. Verum contra hanc
iuris præsumptionem admittitur probatio in
contrarium: si nimis Monasterium illud
decimum ostendat, quod Archidiaconus iuris-
dictionem in ipsis non exercuerit, vel,
etsi voluerit exercere, tamen admissus non
fuerit: hoc casu obstat ipsi non debet,
quod in alia similia Monasteria iurisdi-
ctionem consuetudine comparari, seu præ-
scriperit.

TITVLVS XXIV. DE OFFICIO ARCHIPRES.

BY T E R I.

CAPITVLVM I.

Vt Archipresbyter.

SUMMARIUM.

1. Archipresbyter praest reliquo presby-
teris, si urbanus est, seu Ecclesie Cath-
edralis Decanus.
2. Alii Archipresbyteri sunt, qui Decani &
Vicarii rurales seu foranei vocantur;
hi delegata iurisdictionem, & penitus
dependentem ab Ordinario habent.

AArchipresbyter subest Archidiacono,
tanquam vicem Episcopi gerenti. Im-
perat reliquo presbyteris, quorum veluti
Dux, seu Decanus est; abiente Episcopo
Misericordia celebrat, collectam dicit,
vel alij dicendam mandat. Ita Isidorus His-
palensis relatus in c. 1. d. 25.

Est autem hic sermo de Archipresbytero
ciuitatis, seu ecclesiæ Cathedralis Decano.
2. Præter hunc autem alii sunt presbyteri, seu

Decani rurales, vti Gl. annotauit in c. vlt.
hoc tit. Idemque Vicarij rurales, seu fora-
nei appellatur in Clem. 2. de rescript. De ijs
coenuniter docent DD. cum Gl. ibid. yer. fo-
raneo, quod habeant iurisdictionem delega-
tam, & omnimodè dependentem ab Ordina-
rio, à quo arbitratu ipsius deponi possint.
Cæterū pluribus Ecclesijs sunt Decani, seu
Vicarij rurales per electionem Capituli ru-
ralis, & ab Episcopo vel Officiali, seu Generali
Vicario confirmantur: Ita ut officium
& iurisdictionem quandam ordinariam ha-
beant subordinatam Episcopali, iuxta do-
ctrinam Innocent. in c. cum ab Ecclesiis, 3.
de offic. Ordinar. Quamobrem nec pri-
uarii seu deponi ab officio possunt, nisi ob
crimen mereantur, sicuti dixi lib. 1. Th. mor.
11. 4. c. 7. n. 20.

CAPITVLVM II.

Ministerium.

AArchipresbyter curam habere debet, vt
Sacerdotes Cardinales, (id est, qui pa-

cccc 2 rochijis

rochis præfeti sunt, Gl. margin. interprete) in administratione sacramenti, & horis canonicas psallendis assidui sint; Episcopi sui præceptis obedient: Episcopo autem absente, omnia quæ sacerdotalis officij sunt, agere, vel alteri sacerdoti committere debet.

2. *Habuit olim iure antiquo iurisdictionem fori interni in reliquos sacerdotes, non autem iure novo sacerdotes & alij clerici seculares cuilibet Confessario exposito confiteri possunt.*
3. *Decanus ecclesia Cathedralis dignitatem seu personatum habet, non item ruralium.*

CAPITVLVM III.

Officium.

AArchipresbyter ciuitatensis, absente Præsule, inchoat officium Ecclesiasticum, dat benedictionem presbyteralem, Missam canit, vel alteri demandat: Episcopo Missam canente ordinat sacerdotes ad altaris ministerium: Custodi præcipit, ut in sacrario Eucharistia adsit pro morituris, ne sine sacramentis decedant; vt aliunde accendentium diœcesanorum confessiones secundum Episcopi prouisionem excipientur: Sed & ad Catechumenorum informationem, & infantium baptismum sacerdotes prouidere debet. Legi hic potest Host. n. 3 & 4.

CAPITVLUM VLT.

Vt singulæ.

PARAPHRASIS.

Decens est, vt Episcopus onera sua partatur, & sicut ipse Ecclesiae Matrici seu Cathedrali præest, ita per plebes Archipresbyteros seu Decanos rurales constitutus, quorum officium sit non tantum plebis imperitæ sedulam curam gerere, sed etiam presbyteris, qui minoribus parochijs præfunt, inuigilare, &c, qua quisque industria opus diuinum exerceat, ad Episcopum referre.

S U M M A R I U M.

1. *Habet Archipresbyter, seu Decanus ruralis iurisdictionem in foro externo, ita tamen, ut causas grauioris momenti ad Episcopum referat. Circa urbanum spectanda est cuiusq; ecclesia consuetudo.*

QUÆRITVR I. Vtrum Archipresbyter iurisdictionem habeat in foro externo? Affirmat Gl. in hoc c. ver. referant, id que satis colligitur ex textu, si sermo fit de Archipresbyteris seu Decanis ruralibus, qui veluti Vicarij Episcopi foris constituentur ad gubernationem Cleri: Ita tamen, vt quæcunque alicuius grauioris momenti sunt, ad Episcopum referat. In ciuitate autem, sive vbi Sedes Episcopalis est, necesse non est, Archipresbyteros Ecclesiarum iurisdictionem externam habere; cum omnia ad Episcopum, aut Officiale eius, vel ad Archidiaconum referri possint. Spectanda verò est cuiusque Ecclesie consuetudo. Nam quibusdam locis, in quibus Archidiacus non est, iurisdictione in Clericos competit Archipresbyteris seu Decanis Ecclesiarum Cathedralium & Collegiatarum, vt notauit Hostiens. hoc tit. n. 1. Petr. Gregor. Tholos. lib. 15. Syntag. c. 21. n. 13.

QUÆRITVR II. Vtrum Archipresbyter sive Decanus iurisdictionem fori interni in sacerdotes reliquos habeat? Respondeo. Spectato iure antiquo, habere iurisdictionem & curam animarum, adeò vt nemo presbyterorum alteri, quam Archipresbytero suo de peccatis confiteri potuerit, ut colligitur ex c. 1. & c. 2. vbi id Anton. notauit hoc tit. & Ioann. Andr. in c. officium n. 4 eod. Abb. in c. 3. in fine, de ecclesijs sedic. Postea verò per consuetudinem obtinent est, quæ & hodie viget, vt sacerdotes aliquæ Clerici seculares cuilibet exposito confessorio confiteri possint, vt dixi lib. 5. Th. mor. tr. 6. c. 10. n. 4.

QUÆRITVR III. Vtrum Archipresbyter sive Decanus dignitatem aut personatum habeat. Interest enim, vt sciatur, vtrum ipsi à Sede Apostolica, aut Legato eius causæ delegati

delegari possint, iuxta c. statutum 11. de re-
script. in 6. Et utrum Iudex conseruator cō-
stitui possit, iuxta. c. vlt. de offic. delegati,
in 6. Resp. & Dico I. Decanus Ecclesiæ Ca-
thedralis, dignitatem, seu personatum ha-
bere censetur. Quia tametsi ponamus, iuris-
dictione præditum non esse, habet tamen
præminentiam inter Canonicos, & alios
Clericos. Qua item ratione Præpositi Ecle-
siarum secularium, licet nullam administra-
tionem seu iurisdictionem exerceant, tamen

propter eminentiam, seu processionem, di-
gnitatem seu personatum habere censetur.
Videri potest Syl. ver beneficium, 1. q. 5.

Dico II. Decani rurales non censetur
habere dignitatem, vel personatum; sed sim-
plex ministerium, seu officium. Neque in
Ecclesiæ principalibus, seu Cardinalibus
præminent; sed solum in minoribus seu
plebanis parochijs, vti constat ex hoc c. ver.
per minores titulos.

TITVLVS XXV.

DE OFFICIO PRIMICERII.

CAPITVLVM VNICVM.

Vt primicerius.

Primicerius, sub Archidiacono
constitutus, in docendo, ac psal-
lendi ratione præst Diaconis,
& alijs Clericis: quorum curam
sollicitam gerere debet, vt disci-
plina inter eos obseruetur.

Aduerte primò: Quod olim veteres in
tabulis ceratis scribere soliti sunt. Hinc factū
est, vt qui tabulis publicis præfectus erat,
primicerius appellaretur, id est, primus no-
tarius, seu protonotarius, vti constat ex tit.
Codicis lib. 12. de primicerio, & secundoce-
rio, itn. Gl. rubricæ, & Nouel. 8. Iustin. c. 14.
§. A spectabili. Sed & aliorum officiorum,
vt cubiculi, palati, militiæ, fabricæ primus
prefectus, & uno verbo, quicunque in ali-
quo hominum ordine primum albi, seu tabu-
le cerate locum obtinuit, primicerius di-
ctus fuit; qui autem secundum locum tenuit,
secundocerius, & qui tertium, tertiocerius,
vt constat ex l. vlt. C. de domesticis, lib. 12.
& notauit Azor cit. l. 3. c. 17. q. 1. Petr. Greg.
Tholosanus lib. 15. Syntag. c. 22. Quare pri-

micerius hoc loco ille dicitur, qui tūm in
choro psallentium, tūm in schola primum
inter Diaconos, ac reliquos Clericos lo-
cum habuit. Quare quibusdam Ecclesiæ
Præcentor appellari solet, vti videre est in c.
cūm olim, 6. de consuet. & qui alterum post
ipsum locum tenet, Succentor, vti videre est
in c. inter dilectos, 11. de excess. Prælator, &
notat hinc Hostiensis.

Quæritur, Vtrum primicerius,
cantoria, seu præcentoria sit dignitas, seu per-
sonatus? Respondeo: Si primicerius, seu
præcentor, ratione officij sui, inter alios Ec-
clesiæ Canonicos præminentiam habeat,
seu priorem locum in choro, in Capitulo, in
processione, censetur habere dignitatem, seu
personatum. Idque constat ex c. cūm conce-
ssissent, 8. de constitut. Idemque dicendum
est de subcentoria, vti Gl. docet in cit. c. inter
dilectos. Et de Thesaurario, seu Custodis
officio; sicuti Azor annotauit cit. c. 16. q. 6.
Quod si verò Ecclesiæ Custos v. g. officium
seu administrationem habeat absque præ-
minentia, quia ratione muneris sui alios Ca-
nonicos non antecedit, tunc licet beneficium
duplex, & præbendam meliorem obtineat,
non tamen dignitatem seu personatum, vt
dixi lib. 4. tr. 2. c. 4. n. 4. §. Alia verò.

Cccc 3 TITV-